



SAKSPAPIR

Saksnr	Utval	Type	Dato
15/2021	Bygdeutviklingsutvalet	PS	11.05.2021

Sakshandsamar	Arkiv	ArkivsakID
Tore Henrik Øye	FE-233	21/207

LØYVING AV BYGDEUTVIKLINGSMIDLAR TIL VØLING AV TAK PÅ GRENDAHUSET LJOSHEIM, FLATEKVAL I EKSINGEDALEN

Vedlegg:

Søknad om bygdeutviklingsmidlar til Grendahuset Ljosheim
Prosjektplan Grendahuset Ljosheim - Vaksdal kommune
Rapport frå tømrrar- strakstiltak skifertak på Grendahuset Ljosheim
Budsjett og finansieringsplan tak
vedtekter

Rådmannen sitt framlegg til vedtak:

Bygdeutviklingsutvalet i Vaksdal kommune løyver inntil kr. 100 000,- i bygdeutviklingsmidlar til laget «Grendahuset Ljosheim» for vøling av taket på grendahuset (verneverdig kulturminne).

Løyvinga utgjer 13 % av «godkjend kostnad» på kr. 750 000,- (øvre ramme). Utbetaling vert gjort ut frå dokumenterte utgifter innanfor ramma.

Vedtaket er gjort med bakgrunn i «Retningsliner for tilskot til bygdeutvikling». Løyvinga skal takast frå utvalet sine tilgjengelege midlar for 2021.

Tilskotet kan på førespurnad, (del)utbetalast før slutføring.

Sluttrapport med kostnadsdokumentasjon skal sendast til kommunen innan tre veker etter at tiltaket er gjennomført.

Løyvinga gjeld for 2 år frå og med vedtaksdato. Etter dette vert tilskotet trekt attende.

Framlegg til vedtak, lagt inn i møteportalen av Edvin Hesjedal

BU - støttar opprusting av nytt tak på Fjellheim med kr 75.000,-
Midlane vert teke frå BU - midlar for 2021.

Bygdeutviklingsutvalet - Sak 15/2021

BYG - Behandling:

Utvalet drøfta saka.

Edvin Hesjedal, H la fram følgjande forslag til vedtak:

BU - støttar opprusting av nytt tak på Fjellheim med kr 75.000,-
Midlane vert teke frå BU - midlar for 2021.

Kommunedirektøren sitt framlegg til vedtak vart sett opp mot Edvin Hesjedal, H sitt framlegg til vedtak. Kommunedirektøren sitt framlegg til vedtak fekk 3 stemmer (Renathe Vik, SP, Ståle Hesjedal, Ap, Arne Normann, Krf) og vart vedteke. Edvin Hesjedal sitt framlegg til vedtak fekk 2 stemmer (Edvin Hesjedal, H, Mona Grenasberg, SV) og falt.

BYG - Tilråding/Vedtak:

Bygdeutviklingsutvalet i Vaksdal kommune løyver inntil kr. 100 000,- i bygdeutviklingsmidlar til laget «Grendahuset Ljosheim» for vøling av taket på grendahuset (verneverdig kulturminne).

Løyvinga utgjer 13 % av «godkjend kostnad» på kr. 750 000,- (øvre ramme). Utbetaling vert gjort ut frå dokumenterte utgifter innanfor ramma.

Vedtaket er gjort med bakgrunn i «Retningslinjer for tilskot til bygdeutvikling». Løyvinga skal takast frå utvalet sine tilgjengelege midlar for 2021.

Tilskotet kan på førespurnad, (del)utbetalast før slutføring.

Sluttrapport med kostnadsdokumentasjon skal sendast til kommunen innan tre veker etter at tiltaket er gjennomført.

Løyvinga gjeld for 2 år frå og med vedtaksdato. Etter dette vert tilskotet trekt attende.

Saksopplysningar:

Samandrag/konklusjon (kort om saka)

Bygdeutviklingsutvalet har kr. 500 000,- i tilskotsmidlar til fordeling i 2021.

Husstyret for laget «Grendahuset Ljosheim» søker om kr. 150 000,- i bygdeutviklingsmidlar til å vøle taket på huset.

Grendahuset vert nytta av lag/organisasjonar i Eksingedalen til mange, ulike samlingar/føremål, og er ein viktig samlingsstad for innbyggjarane i dalføret. Huset har stort vedlikehaldsetterslep, og det vert jobba aktivt med opprusting. Vøling av taket hastar mest.

Rådmannen har vurdert søknaden i høve til «Retningslinjer for tildeling av midlar frå Bygdeutviklings-utvalet», og gjer framlegg om å løyve inntil kr. 100 000,- til tiltaket. Dette utgjer 13 % av «godkjend kostnad», og er kr. 50 000,- mindre enn kva det er søkt om.

Bakgrunn for saka

Bygdeutviklingsutvalet i Vaksdal kommune forvaltar ei tilskotsordning for å fremje bygdeutvikling i kommunen, med inntil kr. 500 000,- til fordeling i 2021.

I søknad av 10.02.2021 søker husstyret for laget «Grendahuset Ljosheim», ved Anna Sveinungsdotter Bergo, om kr. 150 000,- i tilskot til vøling av taket på grendahuset. Huset ligg på Flatekval i Eksingedalen.

I følgje søknaden – og laget sine vedtekter - skal «Grendahuset Ljosheim» arbeide for å sikre drift og vedlikehald av Ljosheim, til beste for innbyggjarane. Grendahuset er felles for grendene i dalføret, og alle har rett til å nytte huset etter fastsett leige.

Søklar opplyser at grendahuset er registrert som verneverdig kulturminne i Vaksdal kommune sin kulturminneplan. Huset har stort vedlikehaldsetterslep, og det vert arbeidd aktivt med å gjennomføre naudsynt vedlikehald. Det er nyleg gjort fleire oppgraderingar, som nytt gulv i salane, brannsikringstiltak og mellombels tetting av taket. I tillegg vert det no gjennomført oppgradering og reparasjon av sanitæranlegget. Kostnaden med heile «omvøla» er budsjettert til kr. 1,8 millionar.

Vøling av taket er det viktigaste og mest omfattande tiltaket til no, skriv søklar. Arbeidet er budsjettert til kr. 750 000,-. Det er søkt om økonomisk støtte frå fleire hald, og ei finansiering på kr. 390 000,-, inkludert dugnadsarbeid, er sikra til no. Kostnadsoppsett med finansieringsplan går fram av vedlagt budsjett til søknaden.

Søklar skriv at ei finansiering frå Bygdeutviklingsutvalet vil kome svært godt med, og at målet er å vere ferdig med rehabiliteringa av grendahuset til 125-årsjubileumet i 2022.

Formelt grunnlag:

- Kommuneleova- generelle sakshandsamingsreglar.
- «Retningslinjer for tildeling av midlar frå Bygdeutviklingsutvalet», vedtekne på møtet av 26.05.20; <https://www.vaksdal.kommune.no/innhald/landbruk-nering-og-skatt/bygdeutvikling/retningslinjer-for-tilskot-til-bygdeutvikling/>

Det formelle grunnlaget vert vurdert under «*vurdering og konsekvensar*».

Vurdering og konsekvensar:

I følgje retningslinene skal bygdeutviklingsmidlane nyttast til føremål med ålmenn nytte, og stimulere til levande bygdeliv. Midlane skal kome mange til gode, skape trivnad og medverke til aktivitet som er tilgjengeleg for alle. I dette høve kan det gjevast midlar til konkrete prosjekt, til dømes opprusting, gjerne i kombinasjon med annan finansiering. Midlane kan ikkje gjevast til drift.

Rådmannen vurderer at søknaden om midlar til vøling av taket på Ljosheim, er i tråd med retningslinene og kriteria for løyving av bygdeutviklingsmidlar. Grendahuset er eit viktig og sentralt samlings-punkt i Eksingedalen, med mange ulike typar arrangement og samlingar. Grendahuset er tilgjengeleg for innbyggjarane, og legg til rette for felles arrangement, samhald og lokal identitet.

Kostnadsoppsettet i søknaden innfri retningslinene sine krav til budsjettering, med synleggjering av eigeninnsatsen (dugnad med meir), jf. vedlegg.

Retningslinene seier at det, om mogeleg, skal leggst vekt på geografisk spreining ved fordeling av midlar, og at bygder som ikkje har fått tildeling tidlegare, skal prioriterast. I dette høve vart det løyvd midlar til tiltak i Eksingedalen i 2020, og det er kome inn to søknadar ved denne søknadsomgangen.

Bygdeutviklingsutvalet har avgrensa med midlar til disposisjon. Dette omsynet er vektlagt ved sakshandsaming, saman med intensjonen om at midlande skal kome flere søkjarar/stader til nytte. Desse forholda har hatt tyding for innstillinga til stønadsbeløp.

Søknaden frå husstyret er godt grunngjeven, med god synleggjering av behovet for tiltaket. Lokale krefter legg ned mykje arbeid for å vedlikehalde og ruste opp grendauset. Vøling av taket er i dette høvet eit stort økonomisk løft, men naudsynt. Rådmannen vurderer difor at tildeling av bygdeutviklingsmidlar vil gje stor nytte- og finansieringsverdi, i lag med annan, ekstern finansiering.

Med bakgrunn i innhaldet i tiltaket, innkomne søknadar og tilgjengelege midlar, går Kommunedirektøren inn for å løyve inntil kr 100 000,- til vøling av taket på grendahuset. Dette utgjer 13 % av «godkjend kostnad» på kr. 750 000,-, og er kr. 50 000,- mindre enn søknadsbeløpet. Utbetalinga vert knytt til dokumentasjon av reelle og godkjende kostnader.